



Inatsisartuni ilaasortaq
Mala Høy Kúko, Atassut
/Maani

Dundas-imi saliineq pillugu § 37 naapertorlugu apeqquut nr. 2017-007-imut akissuteqaat

Asasara Mala Høy Kúko

4. januar 2017-imi Dundas-imi saliineq pillugu Naalakkersuisunut apeqquteqarputit. Apeqqutit Nunanut Allanut Pisortaqarfimmut tusarniaassutigalugit uannut akissanngorlugit innersuunneqarput. Nunanut Allanut Pisortaqarfik akissuteqaammut oqaaseqaatissaqanngilaq.

Brev dato:
17-01-2017
Sagsnr. 2016-2010
Akt. nr.
4303932

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: npann@nanoq.gl
www.naalakkersuisut.gl

1. Dundas-imi saliisoqarnerani suut kemikaliat pinngortitamut akuuttussaangit-sut poortuunneqariarlutik akuunneqarnikuuppat?

Akissut: 2011-mi taamani Nunanut Namminerimut, Pinngortitamut Avatangiisinullu Naalakkersuisuusoq Dundas-imi eqqaavissuarni pisoqqani marluusuni avatangiisinik innarlitsaaliulluni suliasat suliarineqarnissaat pillugu Kalaallit Nunaata aamma Danmarkip akornanni politikkikkut isumaqatigiissummik isumaqatigiissusiorpoq. Saliinerit 2012-imi aallartinneqarput, aammalu avatangiisinik innarlitsaaliuinialuni suliasarpiaat 2013-imi septembarimi naammassineqarput. Politikkikkut isumaqatigiissummi, 2011-mi taamani avatangiisinut Naalakkersuisuusumit isumaqatigiissutigineqartumi allassimavoq: *"Isumaqatigiissummi Dundas-ip Kalaallit Nunaannut utertinneqarneranut suliami avatangiisinut tunngassuteqartut naammassineqarput, aammalu naalagaaffiup suliasanut avatangiisinut tunngassuteqartunut aningaasalersuinissaa pillugu apeqquut qaqeqqinneqarsinnaanngilaq"*.

Saliineq politikkikkut isumaqatigiissut naapertorlugu ingerlanneqarpoq, tassanilu issoq "Eqqakkatut ulorianaatilittut" immikkoortinneqartoq Danmarkimut nassiunneqanngilaq, tamatumunngali taarsiullugu Dundas-imi sumiiffimmi naleqquttumut inissinneqarpoq. Tamatumunnga EU-mi peqqussut, naasunik allanik siaruarterisoqarsinnaanera peqqutigalugu issumik EU-mut eqqussuisoqaqqusaannginneranut inerteqquteqarfiusoq peqqutaavoq. Naalakkersuisoqarfiup siunnersortaanit Danmarkimut issumik nassiussinissaq pillugu Danmarkimi Pinngortitamik Inuussutissarsiuteqarnermut Aqutsisoqarfik attaveqarfigaa. 2013-imi juunimi Pinngortitamik Inuussutissarsiuteqarnermut Aqutsisoqarfik nalunaaruteqarpoq, Kalaallit Nunaanniit issoq eqqussinissamut inerteqquteqarnermut ilaatinneqartoq. Inerteqquteqarneq naasunik naasunillu tunisassianik il.il. eqqussuisarneq pillugu nalunaarummut nr. 1301-imut, 17. december 2012-imeersumut ilanngussaq 3-p immikkoortuata 14-iani allaaserineqarpoq.

2013-imi Naalakkersuisuusoq isummerpoq, issumut mingutsinneqarsimasumut inissii-vimmik ataavartussamik pilersitsinissaq politikikkut isumaqatigiissuteqarnermi siunner-

fiit naapertorlugit avatangiisinut aaqqiissutissatut akuersaarneqarsinnaasoq. Politikikkut isumaqatigiisummi aamma "avatangiisinik innarlitsaaliuilluni iliuutsini" eqqakkat sineris-samit aamma immami avatangiisinut peerneqarnissaat siunnerfigineqarpoq, taamaalillu-nilu inissiivik sumiiffimmut, immamit avatangiisinut ungavartitsiviusumut, eqqakkat immik-koortuinik allanik inissiivoreersumut inissinneqarpoq. Issaq mingutsinneqarsimasooq nu-nap qaavaniit 1,5 meterinik itissusilimmut inissinneqarpoq. Taamaalilluni inissiiviup sul-iarineqarnerani inissitat nunamut nalimmassarneqarput, sumiiffillu kusanartumik qiman-neqarluni.

2. Qanoq sivisutigisumik akuutissat assigiinngitsut naatsorsuutigineqarsinnaap-pat naviananginnissaat?

Akissut: Apeqqut paasineqanngilaq.

3. Qaqugukkat akuutissat akuunneqartussaangitsut navianartunngorsinnaanis-saat naatsorsuutigineqarsinnaappat? Ukiut qassit pineqarpat?

Akissut: Issup uuliamik mingutsinneqarsimasup "Eqqakkatut ulorianaatilittut" immikkoor-tinneqarnera piffissamut killiligaanngilaq. 2013-imi Naalakkersuisuusoq isummerpoq, is-sumut mingutsinneqarsimasumut inissiivimmik ataavartussamik pilersitsineq avatangiisit eqqarsaatigalugit aaqqiissutissatut akuersaarneqarsinnaasoq.

4. Navianartunngorsinnaasimappata akuutissat assigiinngitsut, tamanna pina-veersaarniarlugu naalakkersuisut qanoq pilersaaruteqarpat?

Akissut: Saliineq 2014-imi ukiup ataatsip qaangiunnerani misissuisoqarmat naammassi-neqarpoq. Mingutsitsisoqassagaluarpas Naalakkersuisut iliuusissanik aalajangersimasu-nik aalangiissapput.

5. Aningaasanik sillimasooqarpa ajutoortoqarsinnaanera piareersimaffiginiarlugu?

Akissut: Mingutsitsisoqassagaluarpas Naalakkersuisut iliuusissanik aalajangersimasun-ik aalangiissapput. Dundas-imi saliinermut aningaasaliissutit sinneqarput, aningaasallu taakku maannamut siunertamut tassunga immikkoortinneqarsimapput.

Inussiarnersumik inuulluaqqusillunga

Suka K. Frederiksen